



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. II. Sententia negativa præfertur

[urn:nbn:de:hbz:466:1-77355](#)

DISPUTATIO NONA

Tertiò non est dubium, quin possit voluntas æquale & minus bonum eligere, relicto meliori, saltem mediatae, movendo scilicet intellectum ut novas rationes & motiva inveniat, propter quæ objectum, quod alias secundum se minus bonum, minimeque amabile videbatur, reddatur convenientius & melius, saltem apparenter, & sic eligat illud præ alio. Unde D. Thomas hic art. 6. ad 3. *Nihil prohibet, si duo aequalia proposuantur secundum unam considerationem, quin circa alterum consideretur aliqua conditio, per quam emineat, & magis flectatur voluntas in illud quam in aliud.*

21. Difficultas ergo reducitur ad hoc, an propositis duobus bonis, non solum speculativè & secundum se æquilibus, sed etiam practicè, & ex parte judicij & dictaminis practici intellectus, aut etiam propositis simul uno majori & alio minori, possit voluntas, non mutato judicio, nec novò motivò proposito, eligere illud quod ut minus bonum, vel ut æquale alteri proponitur? Ratio autem dubitandi est, quia cum voluntas sit potentia cœca, sequitur ductum rationis, & dictamen seu judicium practicum intellectus, unde si ille practicè judicet duo media esse æquæ utilia, aut unum minus & aliud magis utile, impossibile videtur quod voluntas in unum potius quam in aliud propendeat, & multò minus quod eligat dexterius, relicto meliori. Aliunde vero cum ipsa sit potentia libera, & a nullo objecto, præterquam à summo bono, clare viso, necessarii posse, ejusque libertas præcipue in electione consistat; videtur quod stante adhuc æquali aut meliori dictamine, medium æquale, aut minus bonum eligere possit.

22. Hæc difficultas Theologorum ingenia divisi, & in duas extremè oppositas coegerit abire sententias. Recentiores enim, ut Suarez, Valentia, Salas, & alij, existimant non posse libertatem voluntatis illasam servari, nisi presupposito ex parte intellectus iudicio practico de æqualitate vel inæqualitate mediorum, possit ipsa voluntas quocumque voluerit eligere, altero relicto, & in quamlibet parte in pro libito scipsum determinare. Thomista vero, quos sequuntur Vazquez hic disp. 43. cap. 2. & Bellarminus lib. 3. de gratia & lib. arbit. cap. 9. negant hoc requiri ad rationem libertatis, & docent esse impossibile, quod stante iudicio practico intellectus, dictantis melius & convenientius medium esse eligendum, voluntas minus bonum vel æquale eligat, sed si velit æquale aut minus bonum eligere, debere movere intellectum, ut novas rationes & motiva inveniat, propter quæ, id quod minus bonum vel æquale videbatur, melius & convenientius appareat: unde ait Bellarminus loco citato, *minus bonum posse eligi, si iudicatur magis.*

S. I. I.

Sententia negativa prefertur.

Dico primò, minus bonum, cognitum ut tale, & voluntati propositum, non posse eligi, relicto meliori.

23. Probatur primò ex Aristotele 3. Ethic. cap. 3. ubi ait: *Quod catervis ex consultatione præstabilitus, id eligibile est: Sed intellectus in consultatione, quæ electionem antecedit, nunquam preferit, nec præferre potest medium minus bonum & minus utile, cognitum ut tale, meliori*

A & utiliori; consultatio enim fit ad hoc ut intellectus inter se conferat media quæ invenit, & præferat illud quod judicat magis utile & accommodatum ad finem obtainendum: Ergo medium minus bonum & minus utile, cognitum ut tale, non potest eligi.

Confirmatur & magis illustratur hæc ratio: 24 Voluntas cum sit potentia cœca, non potest prosequi nisi objectum sibi ab intellectu propositum: Ergo non potest unum præelligere alteri, nisi intellectus judicet unum esse alteri præcligendum. Atqui (subfumo) repugnat quod intellectus judicet minus utile, apprehensum ut tale, utiliori & meliori esse præferendum: Ergo & quod voluntas illud per electionem alteri præferat. Major, & prima consequentia patent. Subfumptum verò probatur. Ratio eligibilitatis in mediis, non aliunde provenit, quam ex eorum utilitate, & proportione seu accommodatione ad finem: Ergo repugnat quod intellectus judicet medium illud esse magis eligible, & alteri præferendum, quod cognoscit esse minus utile, & minus accommodatum ad finis aseptionem.

Confirmatur amplius: Objectum movet voluntatem, eam alliciendo & trahendo; que motio metaphorica à Philosophis appellatur: Ergo non potest voluntas ferri in unum objectum, præ alio, illudque præelligere, nisi ex parte illius major tractio & allicientia objectiva reperiatur, & per consequens nisi aliquid melius & convenientius ab intellectu proponatur: talis enim tractio, seu allicientia & motio metaphorica, fit mediante bonitate & convenientia ab intellectu voluntati proposita; unde sicut incognita amare non possumus, ita nec præelligere ea quæ ut minus bona & minus utilia voluntati per iudicium practicum intellectus propounderuntur.

Probatur secundò conclusio: Voluntas non potest eligere seu velle malum sub ratione mali: At si eligeret medium iudicatum minus bonum, relicto meliori, eligeret malum sub ratione mali: Ergo &c. Major à nobis sufficienter demonstrata est suprà disp. 4. art. 1. Minor vero probatur: quia ut ait D. Thomas t. p. qu. 50. art. 1. ad 1. *Medium comparatum ad unum extreum, videatur alterum extreum; sicut tepidum comparatum calido, videatur frigidum: quam doctrina accepit ex Aristotele 3. physic. cap. 1. vbi ait: Medium est quodammodo ipsa extrema, ut media fidum, gravis ad ultimam dicitur, & acuta ad primam; fuscum etiam album ad nigrum dicitur, & nigrum ad album; & ex Damasceno lib. 2 de fide cap. 3. ubi docet Angelos dici immateriales & incorporeos, quantum ad nos; & comparatos cum Deo dici materiales & corporeos; & sic etiam crepusculum aliquando vocatur dies, aliquando nox, aliquando medium quid, & utriusque confinium: Atqui minus bonum est quasi medium inter majus bonum & malum: Ergo comparativè ad majus bonum, habet rationem mali; & per consequens si homo eligeret minus bonum, cognitum ut tale, relicto meliori, eligeret malum sub ratione mali.* 27. Probatur tertio: In electione non simpliciter aliiquid est volitum, sed unum est volitum, alio rejecto seu repudiato; unde si proposito medio meliori, & minus bono, voluntas istud eligeret, majus bonum cognitum ut tale repudaret: Sed repugnat quod voluntas majus bonum,

cognitum ut tale, fugiat & repudiet: Ergo & A quod eligat minus bonum, reliquo meliori. Major patet: electio enim, si propriè sumatur, est acceptio unius præ alio, id est acceptatio unius, repudiando alterum. Minor vero suadetur: Obiectum nolitionis & fugæ, est malum ut tale, si cut obiectum prosecutionis est bonum: Sed medium magis bonum & utile, nec in se, nec in ordine ad minus utile, potest habere rationem mali: Ergo non potest à voluntate rejici.

28. Dico secundò: Si duo media omnino æqualia proponuntur, neutrum potest eligi, donec intellectus in uno aliquam rationem seu convenientiam excogitet, ob quam præminet & preponderet alteri. Ita colligitur ex D. Thoma hinc artic. 6, ad 3, ubi totam rationem eligendi unum præ alio, reducit ad diversam considerationem, quâ potest aliquid magis eminere, & aetere voluntatem. Idem videntur docuisse plures ex antiquis Philosophis: nam ex Platone refert D. Thomas loco citato in argumento 3, & ex Anaximandro Aristoteles 2, de calo textu 75. & 90. quod si famelico poneretur duplex cibus æqualis, & in æquali distantia, non magis moveretur ad unum, quam ad alium. Similiter dicebant capillum ex omni parte æqualiter distinatum, non posse illa vi rumpi, quia non est major ratio ob quam ex una parte potius quam ex alia rumpatur, per omnem autem partem simul rumpi non potest. Ex quo inferebant, eadem ratione non moveri terram in medio positam, quia non est major ratio, quare moveatur ad unam potius quam ad aliam partem. Denique si daretur corpus æqualiter grave & leve, non ascenderet neque descenderet: quia non esset major ratio cur potius sursum quam deorsum ferretur, vel econtra. Sed quicquid sit de his exemplis, de quibus disputant Philosophi:

Probatur conclusio ratione fundamentali: Quandiu potentia indifferens non determinatur ad unam partem, nulla sequitur operatio: Sed dum voluntati proponuntur duo media omnino æqualia, nihil est per quod voluntas determinetur ad eligendum unum potius quam aliud: Ergo neutrum tunc potest à voluntate eligi. Major sufficienter demonstrata fuit suprà disp. 6. art. 2. §. 8. agendo de necessitate prædeterminationis in ordine ad causas liberas. Minor vero suadetur: nam in eo casu voluntas non determinatur ab ipso obiecto: cum enim supponamus illa bona esse omnino æqualia, non est potior ratio quare unum potius quam aliud eam determinet: non determinatur etiam ab intellectu, quia intellectus aliter non determinat voluntatem, quam propnendo obiectum: neque etiam determinatur à seipso, ratione libertatis quâ pollet: Tum quia cum voluntas sit appetitus rationalis, sequens ductum rationis, & cognitionem intellectus, nunquam potest se determinare ad id quod ut omnino æquale & indifferens ipsa ab intellectu proponitur: Tum etiam, quia ut docet S. Thomas i. p. qu. 19. art. 3. ad 5. & 3. contra gent. cap. 2. & 2. physic. lect. 8. cuius verba loco suprà citato retulimus, à causa contingente & se habente ad utrumlibet non exit actio determinata, nisi prius determinetur ab alio: Ergo dum voluntati proponuntur duo media omnino æqualia, nihil est per quod voluntas determinetur ad eligendum unum potius quam aliud.

30. Respondent Adversarij ex Soncinnate lib. 9. metaph. qu. 14. quod potestæ contingenter se

Tom. III.

A habentes ad plura, sunt in duplice differentia: quedam sunt potentia imperfectæ, & purè passiva, qualis est materia prima in ordine ad diversas formas, & superficies corporis in ordine ad albedinem & nigredinem; & talis potentia non potest ad alteram partem se determinare, sed oportet quod determinetur ab alio: alia sunt potentia perfectæ, que ex se habent aliquid activitatis, quia non sunt potentia purè passiva, sed etiam activa; & hujusmodi potentia possunt seipso determinare ad aliam partem, quia licet formaliter sint in potentia, sunt tamen virtutaliter in actu, & talis est voluntas.

Sed haec solutio stare non potest: Primi, quia D. Thomas locis citatis expressè loquitur de voluntate creata.

Secundò, quia Commentator 2. physic. textu 48. sic ait: *Ab eo quod est ad utrumlibet non sequitur aliqua actio, nisi ab aliquo alio inclinetur ad unum.* Et D. Thomas 3. contra gent. cap. 2. *Quod indifferenter se habet ad multa, non magis unum eorum operatur, quam aliud: unde à contingenti ad utrumque non sequitur aliquis effectus, nisi per aliquid quod determinetur ad unum.* Sed quod est indifferens solum passiva, ut materia prima, non operatur, nec ab eo exit aliqua actio aut effectus, ut patet: Ergo dictum illud Commentatoris & D. Thomas de indifferenti solum passiva glossari nequit.

Tertiò, Licet voluntas non sit potentia mere passiva, sed etiam activa, non est tamen prima causa sua determinationis: Ergo prima radix, quare vult hoc medium potius quam illud, non est quia vult, sed oportet assignare aliquid extra ipsum à quo moveatur in tali electione, quod in ordine causa primæ & universalis est Deus, in ordine vero causarum secundarum & particularium, major bonitas unius respectu alterius ab intellectu proposita.

Quartò, Voluntas utrumque habet, & quod sit potentia activa, quatenus producit & eligit proprium actum, & passiva, quatenus moverit ab ipso obiecto: Ergo prius natura quam ipsa activa producat suum liberum consentium, oportet quod moveatur ab obiecto ad hunc actum potius quam ad illum, seu ad eligendum hoc potius quam illud. Probatur consequentia: nam in potentia, in quibus reperitur ratio activi & passivi, præcedit ordine naturae ratio passivi rationem activi, ut patet in potentia visiva, que prius natura patitur recipiendo species visibles, quam agat producendo activem visionem.

S. III.

Solvuntur objectiones.

PRACIPVM fundamentum adversæ sententie sumitur ex libertate voluntatis, quæ non videtur posse stare, nisi ex duobus bonis æqualibus aut inæqualibus, sibi ab intellectu propositis, possit quocumque voluerit eligere, alio reliquo, & in quilibet partem pro libito seipso determinare. Unde sic potest argumentum confici: Duobus mediis æqualibus aut inæqualibus voluntati propositis, illa remanet libera quoad exercitium & specificationem: Ergo potest eligere quocumque maluerit. Consequentia patet: libertas enim consistit in vi eleciua, seu in potentia ad eligendum hoc vel il-

Aa ij